

Na temelju članka 39. stavak 1. točka 1. Zakona o mjerama za promicanje stočarstva ("Službene novine Federacije BiH", broj 23/98), federalni ministar poljoprivrede, vodoprivrede i šumarstva, donosi

**PRAVILNIK
O POSTUPKU DONOŠENJA I SADRŽAJA PRIJAVE ZA UPIS U REGISTAR PROIZVOĐAČA
KVALITETNE I ELITNE PRIPLodne STOKE I O VOĐENJU REGISTRA PROIZVOĐAČA
KVALITETNE I ELITNE PRIPLodne STOKE**

Članak 1.

Ovim pravilnikom uređuje se postupak donošenja i sadržaj prijave za upis u registar proizvođača kvalitetne priplodne stoke i registar proizvođača elitne priplodne stoke (u daljnjem tekstu: registri), kao i način vođenja registra.

Članak 2.

Registri iz članka 1. ovog pravilnika vode se u kantonalnom ministarstvu nadležnom za poslove stočarstva (u daljnjem tekstu: kantonalno ministarstvo).
Prijavu za upis u registar proizvođač podnosi kantonalnom ministarstvu.
Uz prijavu se prilaže potvrda kojom se dokazuje da proizvođač ima odgovarajuća priplodna grla za proizvodnju kvalitetne odnosno elitne priplodne stoke, odnosno za proizvodnju jaja za priplod.
Potvrdu iz stavka 3. ovog članka izdaje stručna organizacija iz oblasti stočarstva koja je ovlaštena od strane Federalnog ministarstva poljoprivrede, vodoprivrede i šumarstva za vršenje stručne kontrole proizvodnih, reproduktivnih, zdravstvenih i drugih svojstava kvalitetne i elitne priplodne stoke.

Članak 3.

Prijava iz članka 2. ovog pravilnika naročito sadrži:

- 1) naziv i sjedište poduzeća, druge pravne osobe odnosno prezime, ime i adresu fizičke osobe-proizvođača;
- 2) oznaku vrste i pasmine koja se proizvodi;
- 3) iskazan broj matičnih grla (za svaki distrikt posebno);
- 4) vrsta opreme i objekata za smještaj stoke;
- 5) način, količine i kvaliteta obezbjeđene stočne hrane;
- 6) način obezbjeđene vlastite stručne službe za proizvodnju i zdravstvenu zaštitu stoke;
- 7) naziv stručne službe koja će vršiti stručnu kontrolu proizvodnih, reproduktivnih, zdravstvenih i drugih svojstava kvalitetne odnosno elitne priplodne stoke.

Članak 4.

Ako proizvođač ispunjava uvjete propisane ovim pravilnikom, kantonalno ministarstvo će donijeti rješenje o upisu proizvođača u registar.

avo da se bavi proizvodnjom kvalitetne odnosno elitne priplodne stoke.

Članak 5.

Ako proizvođač prestane da ispunjava neki od propisanih uvjeta za upis u registar, kantonalno ministarstvo će donijeti rješenje o brisanju proizvođača iz registra. Proizvođač je dužan da o svakoj promjeni koja je od utjecaja za upis u registar odnosno na brisanje iz registra pismeno obavjesti kantonalno ministarstvo u roku od 30 dana od dana nastanka promjene.

Članak 6.

Brisanje proizvođača iz registra vrši se na temelju rješenja iz članka 5. stavak 1. ovog pravilnika.

Danom brisanja iz registra, proizvođač gubi pravo da se bavi proizvodnjom kvalitetne odnosno elitne priplodne stoke.

Prijavu za ponovni upis u registar proizvođač može podnijeti po proteku roka od šest mjeseci od dana brisanja iz registra.

Članak 7.

Kantonalno ministarstvo vodi registre u obliku knjige.

Knjige iz stavka 1. ovog članka moraju biti uvezane i ovjerene, a stranice knjiga označene rednim brojevima.

Ovjeru knjiga vrši rukovodilac kantonalnog ministarstva.

Knjige se mogu koristiti jednu ili više godina.

Članak 8.

Registar proizvođača kvalitetne priplodne stoke vodi se po obrascu broj 1., a registar proizvođača elitne priplodne stoke po obrascu broj 2.

Obrasci registara iz stavka 1. ovog članka, nalaze se u prilogu ovog pravilnika i čine njegov sastavni dio.

Članak 9.

Upisivanje podataka u registre vrši osoba ovlaštena za vođenje registra, koju pismeno ovlasti rukovodilac kantonalnog ministarstva.

Članak 10.

Upisivanje podataka u registre vrši se kemijskom olovkom i čitko.

U slučaju pogrešnog upisa, ispravka se vrši povlačenjem tanke linije preko pogrešno upisanog teksta, a iznad toga se unosi pravilan tekst. Ispravku vrši i potpisuje ovlaštena osoba za vođenje registra. Potpis se stavlja pored ispravljenog teksta.

Članak 11.

Uz registar se vodi zbirka isprava u koju se unosi prijava za upis sa dokaznim materijalom, rješenje o upisu, odnosno brisanju proizvođača iz registra i druge isprave u svezi sa registracijom.

Zbirka isprava vodi se odvojeno za svakog proizvođača kvalitetne priplodne stoke odnosno elitne priplodne stoke.

Zbirku isprava vodi ovlaštena osoba za vođenje registra.

Članak 12.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 01-02-433/99
10. ožujka 1999. godine
Sarajevo

Ministar
prof. dr Ahmed Smajić, v. r.